

HEINRICVS PANTALEON MEDICVS ET HISTORICVS.

Basilensis.



Heinricus honestis parentibus natus est Basiliensis idibus Iunij anno 1522. Cum autem eo tempore Euangelij doctrina paßim publicaretur, atq; pater eius Christianus Pantaleon ardenter uotis eam amplecteretur, literis ipsum imbui à teneris statim annis curauit, ita ut Heinricus postea s̄epius fassus sit, se se nescire quo tempore & quomodo prima literarum fundamēta iecerit, cum & loqui & legere unā ferē cōperit. Cum autem postea 1529 Basiliæ Ecclesia reformaret, atq; Ioannes Sphyractes scholæ S. Petri præficeretur, eodem præceptore usus Latinæ & Græcæ Grammaticæ rudimenta didicit. Postea cum Sphyractes ad maiora studia in Galliam proficisceret, atq; Antonius Vuildius anno 1531 eidē in Petrina scho-